



□ □

Côl ál pa le jüch dl palè metü man?

I prüms pîsc al palè

Le sport dl palè á metü sües raîsc a La Val ti prüms agn dl 70, cun le scomencia-mënt dl championat dla Val Badia. Denant ne gnê chësc sport nia pratiché danter la jënt dl paîsc y l'ativité sportiva ê dantadüt orientada al sport dla lüsa.

La ligrëza por chësc sport é gnuða portada tl paîsc da jogn che jê foradecá a studié. Dailò rovâi en contat cun le gran entusiasm por le jüch dl palè danter i stu-dënc', y ai gnê prò vigni dé da soghé al palè. Insciö âi portè chësc sport te nosc paîsc, olache l'interès danter i jogn se slariâ fòra dër snel. Le crësce dla ligrëza por le jüch dl palè é propi ince stada na sbürla por la fondaziun dl'Uniun dl Sport.

I prüms sogadus dl palè a La Val ê Giu-vani y Erwin Frenes, Tone Alton, Giuvani Rives, Robert y Paul Sottara, Sepl y Albert Colz, Zeno y Carlo Agreiter.



Una dles prümes scuadres dl palè da La Val (incér l'ann 1971) - impé da man ciampa: Tino Alton, Erwin



Les prümes partides





I soggadus dl palè da Ruinçà pèda man ciampa: Filippoli Costalioie, Giuvanni Gualdi e Peze e stabiei, Petrucci

La prüma partida che la scua-dra da La Val á soghé é stada cun-tra S. Martin. I so-ga-dus da La Val á finamai da-vagné chësta prüma par-tida, sogada sólo plaza dal palè da S. Martin. Por soghé chësta par-tida â la scuadra messü se impre-stè les malies, deache an n'un n'à ciamò de-gü-nes in-stësc. Mo tosc á spo i soga-dus ince ciafè les prümes malies che é gnüdes spon-sorisa-des dala Firma Liquigas y é gnü-des fates avëi da Clemente Moling.

La prüma plaza dal palè jö S. Mar-tin ê amesa le bosch íte, tla localité Pradél, y ara ê dér pi-cera; al gnê soghé cun 6 -7 sogadus por scuadra. Les mosüres dles por-tes n'ê sam-bëgn gnanca regolares. Plü tert an metü man da soghé tl prè dl Tasser, ince tla loca--lité Pradél. Mo te chësc post podôl impor--mò gní soghé dô che le pro-priatar â rové de sié.

Cabines da se mudê ne savô gnanca ciamò degûgn cî che ê; dô la partida jê i sogadus ía dala Gran Ega a se lavè jö l'assoiûs. L'ega de rü ne gnê nia mâ tutâ da se lavè, mo ara jê ince bun

da se parè la maiú sëi.

Le jüch dl palé gnê laôta tl prüm conzepí düt atramënter co aldedaincö: le miú sogadú gnê aratè chël ch'ê bun da trá le palè plü dassënn y plü dalunc'. Insciö êl n iade sozedü sólo plaza da S. Martin, che n sogadú da La Val che orô trá le palè bëgn dër dassënn, ti á dè tan dô ch'al é rovè da vider dla caserma di Carabinieri íte, che ê dlungia la plaza dal palè. Deache al ê mâm n palè su a desposiziun ara insciö duré bin-de-bò dî fina che chësc é indô stè recuperè y la partida á podü gní sogada inant.

Ince laôta gnê bele soghé de vigni sort de partides danter la jënt dl païsc: danter jogn y maridá, vedli y jogn o partides dan-ter uniuns. Al gnê dër tröpa jënt a ciarè prò y a sostigní les scuadres. I sogadus dla scuadra ne podô nia tó pert a chîsc tornei tl païsc. Podëi fá pert dla scuadra dl païsc é laôta n gran onur. I sogadus dla scuadra gnê dër respetà y reconesciüs dala jënt.

Chi da La Val â le maiú numer de tifosi

La scuadra da La Val é laôta conesciüda tla Val Badia por le gran numer de tifosi che ti jê dô a ciarè ales partides y a sostigní i sogadus. Sides i jogn che ince jënt plü vedla dl païsc ne se jomâ nia ía da jí a ciarè prò y a tigní sö "süa" scuadra. Laôta n'êl sambëgn nia sciöche aldedaincö che vignun á l'auto. Chi che ê zënza jê dô "a autostop" o scenò êl Clemente Moling o Giuvani Rubatscher che ne n ciariâ íte tröc te so pulmin. Canche l'auto é plëgn sozedôl ince datrai che val-gügn messâ se acontentè da stè te cofano por podëi jí a ciarè la partida. Al gnê dit che chi da La Val â le maiú numer de tifosi de dütes les scuadres dla Val Badia. Ince sce i resultac' ne ciarâ datrai nia fòra massa bun y sce la gran pert di tifosi n'ê dessigü nia i maius esperc' dl sport dl palè, ti savôl ala jënt impò bel da jí a ciarè prò.

N iade él finamai gnü fat na invajiun di tifosi sólo plaza dal palè. Chësc é sozedü tratan na partida de campionat dla Val Badia cuntra la scuadra da S. Martin, che ê tres üna dles partides plü cialdes. A 10 menüc' dala fin dla partida êl stè l'árbitre che n'â nia conzedü na puniziun dai 11 metri por la scuadra da La Val por n fal de man tl'area de strauf. Sön chësta êl stè n valgügn tifosi da La Val che é piá jö y íte tla plaza dal palè y düc' i atri é jüs dô. Val tifosi dles döes scuadres s'é finamai saltá íte. L'árbitre, n scior che ê en vacanza sö dal Tasser, â por fortuna pordejü da s'un sciampè. Tratan l'édema dô él spo gnü fat de gran discusciuns por tó na

dezijiun söl resultat dla partida che ne n'á nia podü gní portada a fin. Inultima ti éra gnüda dada davagnada "a tavolino" ala scuadra da S. Martin.

Plaza dl palè a Pidrô

Le sport dl palè ciafâ tres n maiú inte-rès, nia mâ danter la jënt jona mo ince dan-ter plü de vedli. Deache al n'ê degüna posci-bilité da se alenè sön na plaza regolara, êl gnü metü man da jí les domënies dô mëssa fina a Falzes, por soghé partides d'amizizia. Chësta ê sambëgn dër na gran bría y inscio ân tosc ponsè da arjigné tl païsc na plaza por podëi soghé.

Incér l'ann 1972 él gnü laurè fòra la picia plaza dal palè jö Pidrô, che é stada fina dan da puc' agn l'unich post, olache an podô soghé al palè chilò La Val, fina che an á spo ciafè tl ann 1993 la plaza dal palè nöia tla zona dl sport "Plans". Por arjigné cá la plaza a Pidrô al orü ester n gran laûr. Denant êl te chësc post le let dl'ega, al cher-sciô aunic' y al ê n te' mez parü. Mo cun les ores de laûr da pert de tröc volontars che ê gnüs a daidé cun píchel y badí él tosc stè me-so da arjigné ca na bela plaza, che ê scial-di picera y strënta, mo por s'alenè jêra plü co bun assá. Porchël che la cogura ne sciampass nia tres ía t'ega él ince gnü metü sö na sí de grata incér la plaza ía. Sön chë-sta plaza gnél fat düt isté alenamënt y sam-bëgn ince soghé de vigni sort de partides danter scuadres da La Val.



Le championat dla Val Badia



Les scuadres d'aldedaincö á sües raïsc tl championat dla Val Badia

Le championat dla Val Badia é gnü or-gani-sé por le prüm iade tl ann 1971 y é jü inant por 16 istá fina l'ann 1986. L'anima dl'organisaziun ê Stachio Erlacher da Lon-gega. Cun sua ligrëza

por chësc sport y cun süa dediziun âl metü les fundamëntes dl campionat dla Val Badia y l'á portè inant ann por ann fina ch'al é gnü mostrè sö interès da pert dles scuadres.

Scuadres che á tut pert al campionat dla Val Badia y plazamënc'

Scuadra

71

72

73

74

75

76

77

78

79

80

81

82

83

84

85

86

La lla

1.

p.

4.

5.

3.

5.

3.

3.

p.

2

p.

4.

5.

Longega

2.

p.

6.

7.

2.

8.

p.

p.

p.

La Val

p.

□

p.

8.

6.

7.

4.

p.

p.

4.

4.

3.

3.

4.

4.

2.

AI Plan

p.

*1.

2.

2.

5.

3.

p.

2.

p.

1.

p.

1.

Rina

p.

p.

1.

3.

6.

6.

4.

p.

3.

p.

1.

1.

S. Martin

p.

*1.

5.

1.

1.

2.

1.

4.

2.

3.

4.

Badia

p.

*1.

3.

4.

4.

1.

2.

1.

1.

p.

S. Ciascian

p.

Corvara

p.

7.

7.

8.

7.

p.

p.

p.

p.

2.

1.

2.

4.

Lungiarü

p.

p.

p.

p.

6.

Antermëia

1.

2.

3.

3.

Piculin

7.

Tintal

p.

* = TI 1973 ne n'él nia gnü fat les finales danter les 3 scuadres prümes tlassificades (Badia, S. Martin)

p. = Partezipaziun zënza conësce le plazamënt arjunt

Por i agn 1972, 1985 y 1986 máncel en pert la documentaziun

L'albo d'or

Badia

4 campionac'
(1973*, 1977, 1979, 1980)

S. Martin

4 campionac'
(1973*, 1975, 1976, 1978)

Al Plan

3 campionac' (1973*, 1981, 1984)

Rina

3 campionac' (1974, 1985, 1986)

La Ila

1 campionat (1971)

Antermëia

1 campionat (1982)

Corvara

1 campionat (1983)

Le prüm ann âl tut pert 7 scuadres, mo ti agn dô n'en gnêl tres laprò de nöies y ince le livel de jüch gnê da ann a ann miú. Bele dô da dui agn él stè 9 païsc che s'á lascè scrí íte. La popolarité y l'entusiasm por chësc sport ê chersciüs tla roda de püç' agn da-spa-vënt snel y ales mius scuadres ne ti ba-stâl nia mâ plü da podëi tó pert al campio---nat dla Val Badia. Insciö él tosc stè scua-dres che á ponsè da tó pert al campio-nat pro-vinzial por podëi ince se mosoré cun d'atres scuadres de Südtirol. Metü man á tl ann 1974 la scuadra dl Mareo che ê te chël mo--mënt dessigü üna dles mius dla valada. Ti ann 1978 él ince stè la scuadra dl'Alta Ba-dia y tl ann 1981 chi da Rina che s'á scrit íte al campionat federal de 3. cate-go-ría. Ti ann 1985 él ciamò gnü laprò la scua-dra da S. Martin. La formaziun de dütes chë-stes scuadres ê na conseguënza dl campio-nat dla Val Badia. Da üna na pert êl dessigü da odëi gion che al lovâ sö chëstes scuadres, mo dal'atra pert gnê insciö l'interès por le campionat dla Val Badia tres mënder fina che le campionat ne n'á nia plü podü gní organisé. Por chë-stes scuadres che sogâ tl campionat federal da merz fina má y spo da setëmber fina mez novëmber, gnê l'ativité massa po-so-cia por tó pert ince ciamò intratan i mëisc da d'isté al campionat dla Val Badia. De chë-stes scuadres fajòl ince pert i mius soga-dus di païsc incëria, y insciö deventâ le cam-pionat dla Val Badia ti ultims agn na sort de campionat de consolaziun por scua-dres y sogadus che ne sogâ nia a livel provincial.



La scuadra da La Val cun i dui alenadus da Bornech (1975) - impé da man ciampa. i dui alenadus, Albe

La partezipaziun dla scuadra da La Val

□ □



LA VALLE 1980



LA VALLE 1980 - TEAM: GÖTTSCHE, HÄGG, HANKE, HÄGG, HÄGG, HÄGG, HÄGG, HÄGG, HÄGG, HÄGG, HÄGG, HÄGG



Tl ann 1986, tl ultim campionat dia Val Badia che é gnù organisé, á la scuadra da La Val concuisté le 2.